


Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Bosna i Hercegovina
Federacija Bosne i Hercegovine
KANTON SARAJEVO

Broj: 01-7-02-2-3988/20
Sarajevo, 10.08.2020.godine

PRILJEZ:			
Organizacija jedinstvo	10-08-2020	Redni broj	101
01	04	27 823	95

SKUPŠTINA KANTONA SARAJEVO
n/r predsjedavajućeg Skupštine


PREDMET: Odgovor na zastupničko pitanje zastupnice Segmedine Srna Bajramović, dostavlja se;

VEZA: Vaš akt broj: 01-04-27823-52/20 od 29.07.2020.godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 27. Radnoj sjednici Skupštine Kantona Sarajevo održanoj dana 28.07.2020. godine postavila zastupnica Segmedine Srna Bajramović.

Prilog:

- Akt Uprave policije broj: 02/5-1-02-2-3115 od 07.08.2020. godine,
- CD;



Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



10-08-2020
1311190

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/5-1- 02-2-3115
Dana: 07.08.2020. god.

MUP KANTONA SARAJEVO
KABINET MINISTRA
-n/r ministra- za informaciju

MUP KANTONA SARAJEVO
-n/r sekretara Ministarstva-

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Primitjeno: 10-08-2020			
Org. št.	Klasif. oznaka	Redni broj	Broj priloga
01-2	02-2	3988	

PREDMET: Zastupničko pitanje zastupnice Segmedine Srna Bajramović, odgovor, dostavljamo,-

Veza: Vaš akt broj: 01-7-02-2-3988/20 od 03.08.2020.

Vašim aktom, broj i datum veze, dostavljeno je poslaničko pitanje koje je zastupnica Segmedina Srna Bajramović postavila na 27. Radnoj sjednici Skupštine Kantona Sarajevo, održanoj dana 28.07.2020. godine i to:

“Zašto ne razmatramo reformske zakone izmjena i dopuna Zakona o unutrašnjim poslovima i Zakona o policijskim službenicima? Navedeni reformski zakoni iz ove oblasti su produkt inicijative i kasnije zaključka Skupštine KS, kojim je naloženo Vladi formiranje 3 ekspertne grupe, uz obavezu da rade na reformi javne sigurnosti u KS, kroz pripremu odgovarajuće legislative. Vjerujem da ste i Vi svjesni kako su ove izmjene i dopune od krucijalne važnosti jer kreiraju pretpostavke da se otkoče procesi prijema cca 300 policajaca, te definišu procedure činovanja, što će za rezultat definitivno imati bolju funkcionalnost i efikasnost Uprave policije! Svjedoci smo da se i sindikat u više navrata oglasio kako očekuje brzo usvajanje istih zbog prethodno navedenih razloga. Naravno, ne želim prejudicirati stvari, ali su nesporne činjenice kako su zakoni i s vaše strane najavljivani, međutim, u posljednjih sedam dana svjedočimo medijskim člancima u kojima se prijedlozi istih osporavaju na različite načine u koje ne želim da ulazim jer ih smatram i nekim domenom špekulacije. Zato bih voljela da i mi, i sindikat, i javnost dobijemo informacije iz prve ruke šta je problem, gdje je rješenje i nadam se neki vremenski okvir kad ih možemo očekivati.”

ODGOVOR NA POSLANIČKO PITANJE:

Predstavnici Uprave policije MUP-a Kantona Sarajevo su učestvovali u izradi Prijedloga Zakona o izmjenama i dopunama Zakona o unutrašnjim poslovima Kantona Sarajevo i Prijedloga Zakona o

izmjenama i dopunama Zakona o policijskim službenicima Kantona Sarajevo. Naime, ministar unutrašnjih poslova Kantona Sarajevo je krajem 2019. godine formirao Komisiju za izradu Zakona o izmjenama i dopunama Zakona o policijskim službenicima Kantona Sarajevo, u čijem sastavu su se nalazili predstavnici Ministarstva unutrašnjih poslova KS, Uprave policije, Sindikata policije KS i predstavnik Komisije za sigurnost Skupštine Kantona Sarajevo, koja je sačinila prijedlog teksta navedenih zakona.

Uprava policije MUP-a Kantona Sarajevo koja najviše trpi posljedice vezano za nedonošenje neophodnih izmjena i dopuna najvažnijih sistemskih zakona iz oblasti unutrašnjih poslova i policijskih poslova, nije ovlaštena da određuje daljnju dinamiku rada u postupku donošenja navedenih zakona, obzirom da nije predlagatelj navedenih propisa, te shodno navedenom da određuje kada će Skupština Kantona Sarajevo moći da razmatra navedene propise.

Ovom prilikom naglašavamo da je ministar finansija u Vladi Kantona Sarajevo, neposredno pred održavanje sjednice Vlade Kantona Sarajevo na kojoj su se trebali razmatrati pomenuti zakoni, dostavio niz amandmana na sačinjene prijedloge zakona, kojima se između ostalog osporavaju predložene odredbe koje se odnose na kvalitetnije preciziranje poslova koje Uprava policije izvršava, a odnose se na kriminalističko-obavještajne poslove prikupljanja i analize informacija i podataka vezano za sprečavanje, otkrivanje i vršenje istrage krivičnih djela na području Kantona Sarajevo i u odnosu na ukupnu sigurnosnu situaciju u Kantonu Sarajevo. U vezi predložene norme Kantonalni odbor Stranke demokratske akcije Kantona Sarajevo je izdao javno saopćenje, te se u navedenom segmentu očitovao i predsjednik Saveza za bolju budućnost. Naglašavamo da se niti u jednom segmentu nije predlagalo formiranje bilo kakve "obavještajne službe na nivou kantona", niti je postojala bilo kakva namjera miješati se u nadležnosti Obavještajno-sigurnosne agencije Bosne i Hercegovine. Naime, istim se, u cilju pravne sigurnosti, dodatno definiše i jasnije uređuje rad postojeće nadležne organizacione jedinice unutar Uprave policije, a koji je, shodno važećim nadležnostima, vezan za proaktivno i sistematsko prikupljanje, analizu, procjenu i razmjenu kriminalističko-obavještajnih informacija, podataka i saznanja o krivičnim djelima ili prekršajima, izvršiocima i drugim relevantnim podacima. Takvi poslovi od strane policijskih službenika se vrše radi otkrivanja, rasvjetljavanja, dokumentovanja i dokazivanja krivičnih djela ili prekršaja u okviru nadležnosti Uprave policije MUP-a Kantona Sarajevo shodno Zakonu o unutrašnjim poslovima Kantona Sarajevo i Zakonu o krivičnom postupku Federacije Bosne i Hercegovine. Svaka policijska agencija u BiH, kako na državnom, entitetskom, tako i na kantonalnom nivou, poput Uprave policije MUP-a KS, ima organizacionu jedinicu koje se bavi prikupljanjem saznanja i informacija o licima i krivičnim djelima, odnosno, prekršajima, načinu vršenja istih i drugim podacima vezanim za nadležnosti tih agencija, kao i zakonitu provedbu naredbi nadležnih sudova vezanih za istrage o konkretnim krivičnim djelima koja se rasvjetljavaju shodno propisanoj i utvrđenoj zakonskoj proceduri. Treba naglasiti da je model kriminalističko-obavještajnog rada (Intelligence-Led Policing- ILP) zahvaljujući izdašnoj pomoći i podršci cjelokupne međunarodne zajednice, naročito IPTF, EUPM, OSCE, ICITAP, odnosno, vlada Sjedinjenih Američkih Država, Velike Britanije i drugih zemalja proteklih godina vrlo uspješno implementiran u svim policijskim agencijama u našoj državi, te da je ovakav način savremenog policijskog rada u značajnoj mjeri unaprijedio oblast policijskog rada i sistem sigurnosti u cjelini.

Nadalje, osporene su odredbe kojima se dopunjavaju odredbe vezano za institut suspenzije policijskih službenika, na način da je predloženo da se na mjesto policijskog službenika koji je suspendovan može rasporediti drugi policijski službenik koji ispunjava propisane uvjete, a onaj policijski službenik koji je suspendovan, shodno zakonskim odredbama, u slučaju da se po okončanju postupka utvrdi njegova nevinost, vraća se u policijski organ i raspoređuje u skladu sa svojim činom na upražnjeno radno mjesto, jer su rasporedi policijskih službenika i plate istih vezani za čin koji isti imaju. U tom pogledu predloženom izmjenom se ni u kojem slučaju ne zadire u presumpciju nevinosti, niti bi policijski službenik po povratku sa suspenzije ostao bez radnog mjesta, već bi bio raspoređen na drugo radno mjesto u skladu sa svojim činom, ako bi se radno mjesto sa kojeg je isti suspendovan, zbog potreba službe, u međuvremenu popunilo. Time se omogućuje nesmetano funkcionisanje policijskog organa, te je samo to cilj prijedloga ovakve izmjene.

Aktivnosti izmjena i dopuna pomenutih zakona provođene su prije donošenja Zaključka Skupštine Kantona Sarajevo broj: 01-04-15586-1/20 od 16.06.2020.godine, kojim se nalaže Vladi Kantona Sarajevo da uspostavi tri ekspertne grupe od kojih bi jedna bila pod vodstvom policijskog komesara sa zadatkom da razvije novi Zakon o Upravi policije Kantona Sarajevo, kao i ažuriranu verziju Zakona o policijskim službenicima Kantona Sarajevo. Kako navedene ekspertne radne grupe treba da uspostavi Vlada Kantona Sarajevo, Uprava policije MUP-a Kantona Sarajevo se ne može izjasniti u dijelu poslaničkog pitanja koji se odnosi na vremenski okvir kad se mogu navedeni zakoni očekivati, kao ni prethodno obrazložene izmjene i dopune postojećih zakona.

U vezi sa naprijed navedenim Uprava policije stoji na stanovištu da se predložene izmjene i dopune Zakona o unutrašnjim poslovima Kantona Sarajevo trebaju donijeti u hitnom postupku, kako bi se mogli provoditi procesi unapređenja i zapošljavanja policijskih službenika, a nakon toga pristupiti realizaciji Zaključka Skupštine Kantona Sarajevo broj: 01-04-15586-1/20 od 16.06.2020.godine.

S poštovanjem,

